

— — — —

大藏經研究會編印
—— — — —

文廟從祀先賢先儒考

郎廷極 著

中
華
書
局

文廟從祀先賢先儒考

清 廣甯郎廷極紫衡著

世多稱孔門弟子七十二賢。祀於文廟。大都以家語有七十二弟子解一篇。又文翁石室圖亦列七十二人。遂相沿襲。然就家語篇中所敘述悉數之。已有七十六人矣。史記仲尼弟子列傳。則引孔子之言。受業身通六藝者七十有七人。因備次其姓名。今以此三書參考異同。如顏何、顏高、顏刻、秦冉、鄭國、鄒單、即語詳邦公伯僚、論語傳申黨、顏祖、孔忠、即家語申續原亢、即家語原桃籍、今祀原亢史記所有而家語所無也。琴牢、陳亢、顏刻、薛邦、懸竄、申續、孔弗、原桃。則家語所有而史記所無也。其姓名字義微別者。如史記密不齊、家語密作宓、今祀宓、下文不敘史曾蒧、蒧作點、今祀從南宮括、括作韜、今祀從司馬耕、作司馬黎、耕、顏無繇、作顏繇、巫馬施、施作期、顏幸、幸作辛、今祀從公良孺、冉孺、孺並作儒、公孫龍、龍作龍、公祖句茲、作公祖茲、漆雕哆、哆作侈、漆雕徒父、作漆雕從、壤駟赤、壤作穰、石作蜀、作石子蜀、后處、后作石、公夏首、首作守、奚容蒧、作奚蒧、公堅定、作公肩、今祀公肩定、句井疆、句作句、罕父黑、罕作宰、榮旂、旂作祈、縣成、縣作懸、樂欬、欬作欣、左人郢、作左郢、燕伋、伋作級、邾巽、巽作選、公西輿、如、作公西與、尤人所易曉、若文翁之圖、視家語多違、瓊、林放、申根、秦冉、顏何、五人、視史記多違、瓊、林放、申根、琴張、琴牢、陳亢、六人、而家語之多于文圖者、公西與、縣、瓊、原桃、公肩、公夏守、句井疆、邾選、懸成、八人、史記之多於文圖者、公西輿、如、鄒單、原亢、籍、公堅定、公夏首、句井疆、邾巽、縣成、公伯僚、九人、考之隋以前、孔廟止顏子一人配享、東漢時、雖嘗祀七十二弟子、止于闕里。

唐開元中加贈諸賢。悉從史記七十七人。又從家語文圖增蘧瑗、林放、琴張、琴牢、申枨、六人。天下學宮並遵行之。迨宋祥符、大觀中加封從祀。惟除去琴牢。餘並如開元元制。不知何以獨遺鄭單一人。至明嘉靖九年間。釐正祀典。刪重複。易舛譌。以申黨即申枨。存枨去黨。家語作申枨。又有作申黨、申禱者。則黨乃黨之說。而禱又禱之說也。顏何即顏高。存高去何。秦冉即秦商。存商去冉。二人並見史記。琴張本琴牢之子。從書名例。仍改牢。更補祀鄭單、公伯僚。以讒季路黜蘧瑗、林放。本孔子弟子。改祀于其鄉。至是孔門從祀諸弟子乃定。合而計之。凡七十有六賢。祀正殿者十二人。四配之顏、曾、又十哲也。祀兩廡者六十二人。祀啓聖祠者二人。顏路、曾皙。舊時公侯伯封爵皆不用。止稱復聖顏子。宗聖曾子。符顏子稱至國復聖公。曾子稱成國宗聖公。十哲而下。概稱先賢。神主皆冠以此二字。啓聖祠者。中祀孔子。父叔梁紇。曰啓聖公孔氏。而以顏、曾、思、孟、及程、周、蔡、朱之父從祀。議者蓋以子配食於殿。而父坐庭廡。非禮。特爲建立。亦嘉靖年間事。凡此之類。頗合禮法。儒者譏之。未免太過。我朝文治之隆。超邁千古。而膠費祀典。亦遂因之。惟定鼎初年。孔子會復大成。至聖文宣王舊號。旋即改稱。仍稱至聖先師孔子。至于諸弟子名號。從無更易。余自弱冠宦遊。經歷數省。每謁學宮。必展禮兩廡。見先賢位次。率多舛錯。且東西多寡不齊。至使先儒以次相接。遂躡出孔門弟子之上。而諸先儒位次。亦因之紊亂。揆厥由來。蓋因從前釐正之時。如東廡去顏何。改曾皙、孔鯉。止三位。西廡則黜公伯寮。去秦冉。申黨。改蘧瑗、林放、顏路。共六位。司事者。卽于本廡用魚貫之法。就便升躋。而不知合敘東西兩廡遞遷。則六十二賢。東西正各得其半也。又荒僻之處。諸賢姓名。亦多互異。如后子處。既定于後矣。猶有作石者。邾子巽。既定於巽矣。猶有作選者。凡

此不一而足。前人言孔門弟子最多複姓。如公租、公皙、公肩、公夏、公良、叔仲、步叔、句井、壤駟、左人、石作、奚容、罕父，皆是。今神主尚有稱奚子、句子、石子、左子者，並以上一字爲姓矣。是皆宜改正者。因以嘉靖時釐正姓名位次，備錄於左。昭大典而妥先靈。司學宮俎豆者，其可不加意乎。至於先賢字籍，亦學士家所宜熟曉。特系于姓名之下，更以事蹟之不甚顯著者，節錄數語附焉。再從祀諸儒，歷代遞增，亦皆有封號。至嘉靖除去，止稱述聖子思子、亞聖孟子。舊子思稱沂國述聖公，孟子稱鄒國亞聖公。伯魚向祀於東廡者，仍稱先賢。祀於啓聖祠，其餘概稱先儒。考舊時兩廡從祀，尚有荀況、劉向、楊雄、戴聖、鄭衆、馬融、鄭元、何休、服虔、盧植、賈逵、王肅、杜預、王弼、范甯、吳澄、十六人。楊雄之祀，當洪武時已黜之矣。嘉靖間詳加考核，況以言性惡，黜向以喜神仙，黜融以貪鄙附勢，黜休以黜周王魯，黜達以附會讖緯，黜肅以黨司馬氏，黜預以結貴，要建短喪，黜弼以旨宗老莊，黜澄以會仕宋，不應仕元，黜衆、元、虔、植、甯，改祀於其鄉。惟戴聖之黜，莫詳所以，豈爲其在九江行事多不法，又怨毀何武于朝，無儒者風歟。今計現在從祀者，共三十五人，依照舊式，兩廡對敘，儒同則論代，代同則論年，後有增益，皆如之，自無凌躐之失矣。余以鄭元箋釋最有功經傳，而其行誼亦無可訾議，似宜仍歸從祀之列，而宋之謝良佐、明之吳與弼，皆得理學正傳，無媿廟中侑享者，幸遇今上崇儒重道，竊有望於議禮之君子。

正殿四配十哲

凡字籍奉讓，史記與家語同者，便不注明何書。又諸賢之字，見于論語正文者，亦不復註。

東

文廟從祀

復聖顏子。魯人。字子淵。少孔子三十歲。年二十九而髮盡白。按孔門顏氏家語七人。史記八人。今史記之顏何罷祀。仍止七人。

述聖子思子。

閔子損。魯人。史記少孔子十五歲。家語。少孔子五十歲。

冉子雍。魯人。少孔子二十九歲。伯牛之宗族。

端木子賜。衛人。少孔子三十一歲。

仲子由。弁人。少孔子九歲。弁。魯邑。

卜子商。衛人。少孔子四十四歲。鄭元曰。溫國人。今河南溫縣屬衛。

西

宗聖曾子。南城人。字子輿。少孔子四十六歲。

亞聖孟子。

冉子耕。魯人。按史記家語。孔門五冉。十哲居其三。

宰子子我。魯人。字

冉子求。字子有。少孔子二十歲。仲弓之宗族。

言子偃。吳人。史記少孔子四十五歲。家語。少孔子三十五歲。

顓孫子師。陳人。少孔子四十八歲。

兩廡先賢先儒

東

澹臺子滅明。武城人。字子羽。史記。少孔子三十九歲。狀貌甚惡。南游至江。從弟子三百人。家語。作少孔子四十九歲。

原子憲。字子思。家語。宋人。少孔子三十六歲。孔子卒後。隱于衛。史記註魯人。

南宮子适。魯人。字子容。适。左傳作說。

商子瞿。魯人。字子木。特好易。孔子傳之。

漆雕子開。家語。蔡人。字子若。少孔子十一歲。習尚書。不樂仕。史記。字子開。註作魯人。

司馬子耕。宋人。字子牛。

有子若。家語。魯人。字子有。少孔子三十六歲。爲人覆讖。好古道。註。一字子若。史記。少孔子十三歲。

巫馬子施。少孔子三十歲。家語。陳人。字子期。史記。字子旗。註。魯人。

顏子辛。魯人。字子柳。少孔子四十六歲。

文廟從祀考

曾子卹。字子碩。少孔子五十歲。

公孫子龍。字子石。少孔子五十三歲。家衛人。鄭元曰。楚人。

秦子商。家語。魯人。字不慈。少孔子四十歲。其父董父。與孔子父叔梁紇俱以力聞。按。不慈。左傳作丕茲。史記。字子丕。鄭元曰。楚人。

顏子高。史記。字子驕。家語顏刻字同。

壤駟子赤。家語。字子徒。註。秦人。字子從。史記。

石作子蜀。字子明。家語註。成紀人。成紀。秦地也。

公夏子首。史記。字乘。家語。字子乘。並註魯人。

后子處。史記。字子里。齊人。家語。字里之。

奚容子蒧。史記。字子皙。註。衛人。家語。字子偕。

顏子祖。字襄。註。魯人。家語。顏相字子襄。

句井子疆。史記。家語。並註衛人。家語註。字子疆。

秦子祖。字子南。鄭元曰：秦人。

縣子成。史記：字子祺。家語：字子橫。並註魯人。

公祖子句茲。字子之。家語註：魯人。

燕子伋。史記：字思。家語：字子思。註魯人。

樂子欬。字子聲。註魯人。

狄子黑。史記：字皙。家語：字皙之。註：一作字子皙。衛人。

孔子忠。字子蔑。孔子兄孟皮之子。家語孔弗字同。

公西子蒧。史記：字子上。家語：字子尙。並註魯人。

顏子之僕。史記：字叔。家語：字子叔。並註魯人。

施子之常。史記：字子恆。

申子枏。史記：申黨字周。家語：申穰字子周。並註魯人。

文廟從祀考

左邱氏明。魯人。以下先儒。

穀梁氏赤。魯人。生周末。赤。尸子作。微。顏師古作喜。字元始。

高堂氏生。魯人。生秦漢間。索隱。字伯。

孔氏安國。字安國。孔子十一世孫。

后氏蒼。字巨君。東海人。

王氏通。字仲淹。隋時龍門人。

胡氏瑗。字襄之。海陵人。稱安定先生。

邵氏雍。字堯夫。范陽人。

司馬氏光。字君實。夏縣人。

程氏顥。字伯淳。洛陽人。稱明道先生。

楊氏時。字中立。將樂人。稱龜山先生。

羅氏從彥。字仲素。南劍州人。稱豫章先生。明萬曆年祀。

朱氏熹。字元臨。婺源人。

呂氏祖謙。字伯恭。婺州人。稱東萊先生。

蔡氏沈。字仲默。建陽人。

許氏衡。字仲平。元時河內人。稱魯齋先生。

陳氏獻章。字公甫。新會人。稱白沙先生。明萬曆年祀。

王氏守仁。字伯安。餘姚人。稱陽明先生。萬曆年祀。

西

宓子不齊。魯人。字子賤。少孔子四十九歲。

公冶子長。字子長。家語。魯人。史記。齊人。

公皙子哀。家語。齊人。字季沈。鄙天下多仕於大夫家者。故未嘗屈節爲人臣。孔子特歎賞之。史記。字季次。

高子柴。家語。齊人。高氏之別族。註。齊敬仲。高偃十代孫也。少孔子四十歲。長不過六尺。狀貌甚惡。少居魯。見知名。仕爲武城宰。史記。少孔子三十歲。魏元曰。衛人。

樊子須。字子遲。家語。魯人。少孔子四十六歲。弱仕於季氏。註。弱早年也。或曰。早風意仕季氏。無考。史記。少孔子三十六歲。鄭元曰。齊人。

商子澤。家語。字子秀。史記註。字子季。

梁子鱣。字叔魚。家語。齊人。少孔子三十九歲。年三十。未有子。欲出其妻。商瞿自以年長無子。夫子言四十當有五子。勸沮之。後二年。果有子。史記。少孔子二十九歲。註。體一作鯁。

冉子孺。魯人。少孔子五十歲。家語。字子魚。史記。字子魯。註。一作子曾。

伯子虔。少孔子五十歲。史記。字子析。家語。字楷。

冉子季。魯人。字子產。

漆雕子徒父。家語。漆雕從字子文。

漆雕子哆。字子欣。史記註。魯人。

公西赤。魯人。少孔子四十二歲。

任子不齊。史記。字選。家語。字子選。並註楚人。

公良子孺。陳人。字子正。家語。賢而好勇。常以家車五乘從。

公肩子定。家語。公肩字子仲。史記。字子中。註。魯人。或曰晉人。按。史記。肩作堅。

鄆子單。史記。字子家。家語。懸置字子象。

琴父子黑。史記。字子索。家語。字子黑。

榮子旂。字子祺。

左人子郢。家語。左郢字子行。史記。字行。註。魯人。

鄭子國。史記。字子徒。家語。薛邦字子從。史以邦爲國者。蓋避漢高諱。而鄭乃薛字之誤也。今宜仍祀薛邦爲是。

原子亢。家語。原桃。字子籍。

廉子潔。家語。字子曹。史記。字庸。註。衛人。

叔仲子會。字子期。家語。魯人。少孔子五十歲。與孔獲年相比。二孺子每執筆迭侍夫子左右。鄭元曰。晉人。

公西子輿如。字子上。家語。公西與字同。

邽子巽。家語。邽選字子飲。史記。字子斂。註。魯人。

陳子亢。家語。陳人。字子亢。少孔子四十歲。註。一字子禽。

琴子牢。家語。衛人。字子開。一字子張。

步叔子乘。字子車。註。齊人。

秦子非。字子之。註。魯人。

顏子噲。字子聲。註。魯人。

公羊氏高。齊人。生周末。以下先儒。

伏氏勝。字子賤。鄆平人。生秦。漢間。

董氏仲舒。廣川人。

毛氏萇。趙人。大毛公享之子。

杜氏子春。河南人。

韓氏愈。字退之。修武人。

歐陽氏修。字永叔。廬陵人。

周氏敦頤。字茂叔。營道人。

張氏載。字子厚。郢人。稱橫渠先生。

程氏頤。字正叔。顛弟。稱伊川先生。稱龜山、羅豫章、皆師之。

胡氏安國。字康侯。崇安人。

李氏侗。字愿中。劍浦人。稱延平先生。朱子受業師也。明萬曆年祀。

張氏栻。字敬夫。緜竹人。稱南軒先生。

陸氏九淵。字子靜。金谿人。稱象山先生。

真氏德秀。字景元。一字希元。浦城人。稱西山先生。

薛氏瑄。字德溫。河津人。明隆慶年祀。

胡氏居仁。字叔心。餘干人。萬曆年祀。

按先賢姓名位次。今國子監同。惟琴子牢仍琴張。至先儒位次。考之闕里志所載。及直省學宮之整飭者。並以時代爲敘。乃監中左邱明而下。卽敍濂溪二程張邵朱子六人。且與左氏並稱先賢。未知始於何時。明宏治間楊文貞廉居諫垣。建言周程張朱宜升居漢唐諸儒之上。爲識者所非。豈當嘉靖大釐政時。而亦行其議歟。成均首善之地。典禮相沿。自必有據。容再詳考焉。

啓聖祠從祀賢儒

東

顏子無繇。少孔子六歲。史記。字路。家語。字季路。孔子始教於闕里而受學焉。

孔子鯉。

程氏珦。字伯溫。

蔡氏元定。字季通。

西

曾子點。史記。字皙。家語。字子皙。疾時禮教不行。欲修之。孔子善焉。

孟孫氏激。公宣。

朱氏松。字喬年。

周氏輔成。